

PITING SUNDAY SCHOOL TEACHERS TRAINING

Khuga Sadar Presbytery (KSP)

Ani :- 16th February 2018 (Friday, 11:00 AM)

Amun :- KSP Session Hall.

Ziltiltu :- Rev. Thanglianmang.

THUMASA :- Amasapen in hunpha ei petu Pathian chu lopina ka pe masa'n, chuleh 2018 Piting Sunday School thuzil ding Thessalonite 1&2 siamtu kahina zia ah ziltiltu ding ah ei guat Sunday School Committee te chung in kipakthu ka gen kit hi. Tuni i zil ding uh chu Thessalonite lekthawt thuzil ding ka siamdan te, ziltiltute um dingdan leh ziltil dingdan khenkhat te haw a hi.

- HILCHIANNA SIAMDAN GENLATNA** : Hilchianna ka siamdan tangpi chu ahileh ziltiltute navak na ding ti in a chang zosia te chu hetthiam thei ding pen ah hilchianna ka siam a hi. Zia tawh kitawn ah chun, changkhat sung ah thu haksa deudeu te haw hilchianna bawl ahi kit hi. Hilchianna ka bawl na ahin Vaiphei Holy Bible sut nunung pen kha en in a paumat te zui ah ka siam a hi. Zia ban ah chun achang sung ah thu te hilchianna nei zaw ahi phat leh thagau lam ah ei haw phatchuamna ding ah hawi ka sakte ka genzawm zel a hi. Kei gen khel ahin ziltiltu ten ngaithatute phatchuamna ding gen belap ding a hi. Ka zillai bu siam hi hilchianna bu leh Sunday School thuzil ding bawlkhawm ahi pen hi.
- ZILLAI AH LESSON PLAN ZUI CHIAT DING A HI** : Zillai bu hi apat ni apat atawp-kumtawp exam ni tiang ah aban ban ah zil ah zilzaw ding ah Calender ah ni leh tha te en ah kisiam a hi. Ziakiachun, mi zosia'n Lesson Plan kisiam hi zui guat chiat ding a hi. Buaina khenkhat zia ah zillai lak theilo ni a um tak inle hun dang ah lak ding ah siam lem ding a hi. A chutilochun ahun tak ah zolo ah um thei a hi.
- MI TAMNA PAWL NI TIANG AH KIKHEN DING A HI** :- Kochuam mi tamna in vang Pawl ni tiang ah kikhen ah ziltiltu pani'n ziltil mai ding a hi. Zia a phatna te chu ahileh kum upa lam deu tawh naupang lam deu kikhen hileh a lemchanna tamtak a um hi.
- ZILTILTUTE UM DING DAN LEH ZILTIL DING DAN** :-
 - Mipi mai ah dingding lahi zia kin a kilawm thei pen in kisiam in.
 - La zillai lak ding inn lam in enlawk masa sek inla, thiamtak in ziltil inla, aleng ah sim gaw kin.
 - Amasapen in mipite hetthei ding in zilding thupi te gen in (a poimaw leh blackboard ah le zik ding) sim ding Bible changte sim in.
 - Paukam kichianthei pen mang inla, a poimaw leh munkhat bep ah umlo in vak lumlet kawm in ziltil in.
 - Bible sim hin, zillai lak hitaleh kinaw talaw lo in hun matdan thiam takin ziltil in. Ahinla mipi chimchak ding vang veng zing in.
 - Kimuang tak leh thanuam takin ziltil inla, Pulpit sermon gual in vang la bawl takluat lo ding a hi.
 - Zillai lakzaw phat leh hun awng chawmcha hawng sek inla a zaw leh zillai kit ding gen ah khak ding a hi.

Lalpa'n ziltu te zosia malzawl taken.

.....xXx.....